

陶

山

詩

錄

陶山詩錄目

少小好吟無師承先公詩宗韓蘇學之數十年後頗效
岑高然憚於精專貪多喜雜知而不能改也年來衰病
侵尋吏事叢劇詩情遂減檢前稿或存或佚尚數千篇
欲選刻一二而難於決擇友人王鐵夫曰君詩以唱渭
城者為佳當為君任刪改乃斷自乾隆癸丑筮仕之始
迄於嘉慶辛未之春凡十九年分集十五都為十二卷
是詹詹者豈果可出而問世哉亦聊以志入官以來閱
歷交游以備考鏡或者大雅君子因是而箴吾詩吾雖
頽年方將引疾還山摩舊業不猶愈於皓首無聞者

乎卒未盡冬陶山唐仲冕自識於南通州之酌民言堂

臨津集

卷一

古近體詩四十首

松陵集

卷二

古近體詩四十四首

閒居集

卷三

古近體詩二十四首

假司馬集

古近體詩二十五首

西行集

卷四

古近體詩六十三首

南旋集

卷五

古近體詩五十首

青村集

古近體詩二十六首

平江集

卷六

古近體詩八十三首

胸海集

卷七

古近體詩七十八首

胸海二集

卷八

古近體詩六十一首

胸海三集

卷九

古近體詩四十八首

崇川集

卷十

古近體詩八十六首

崇川二集

卷十一

古近體詩百二首

雲間集

卷十二

古近體詩五十九首

蘇臺集

古近體詩十四首

通州白懋初慎旃書
長洲金學蓮手山校

陶山詩續錄目

善化 唐仲寬 六枳

崇川四集

卷十三

古近體詩七十六首

崇川五集

卷十四

古近體詩一百十二首

連楸軒集

卷十五

古近體詩九十首

連楸軒二集

卷十六

古近體詩九十六首

歸雲出岫集

卷十七

古近體詩八十首

養筠謬集

卷十八

古近體詩五十五首

吳淞江集

卷十九

古近體詩六十二首

三十六琅玕室集

卷二十

古近體詩六十八首

琴月山房集

卷二十一

古近體詩一百一十四首

廉車集

卷二十二

古近體詩六十四首

音聲樹聽事集

卷二十三

古近體詩五十九首

東歸集

卷二十四

古近體詩五十五首

小東園集

卷二十五

古近體詩百八首

小東園二集

卷二十六

古近體詩一百十三首

小東園三集

卷二十七

古近體詩一百五十一首

小東園四集

卷二十八

古近體詩一百首

陶山詩錄卷一

善化 唐仲冕 六枳

臨津集

釋褐蒙

恩授知縣籤發江蘇三首

癸丑

弱冠舉京兆廿載隨公車晚歲得一第如泛銀河查縱
未至蓬閣亦足超塵沙本非著作才於顛則已賒少懷
志拾芥兩鬢今霜華科名尚爾難德業安有涯

謁

帝勤政殿委質方發端人希翰墨林

上重親民官微材庸是選未履先知難束髮受章句經
史用力殫師友日講肄帖括資文瀾舍之事民社學製
奚自完况當大藩地安敢懷宴安

緬維我先公授我制舉業得失不足言行止宜有法諄
諄猶在耳涔涔已盈睫風木養何從夢寐音如接幸賴
詒官箴當同守令甲無忝爾所生前定則不貽

之荆溪任二首

梅花擁糴入溪深水郭旗開動遠吟四十曰強宜始仕
一行作吏豈初心家傳清白求遺譜學染丹青重素襟
無術但將勤補拙戴星不暇況鳴琴

大好溪山此一區買田坡老費躊躇
客至休嫌官吏癯點檢詩囊遊杜榭
具覓時壺時大彬宋邑人善製茶壺年豐差喜文書靜
門外無人訟橘租

和季恬齋學博游南岳

荆溪山名

甲寅

我家湘水西三宿至衡嶽中包萬峰巒絕異一邱壑
我時慣蠟屐勝侶不須約上山摘芝英下山採杜若
今被宰官符餘情寄叢薄棹舩入荆溪林莽帶墟落
山名鄉縣同望嶽詩頻作每欲共支筇相於更登閣
塵事違幽討吏程阻春酌君雖屋打頭却似出籠鶴
首着鎮闌干

觥籌未索寘輒因新咏投轉憶曩懷樂何當訂後游主
酬賓復酢

周孝侯廟

長橋無蛟山無虎登山涉水無患苦迴思往日三害作
遠近行者毛髮豎豈知淵林事斬伐可任漁師與獵戶
惟人與虎蛟同惡不可救藥如漏脯周侯少以豪俠雄
州曲見之欲鳴鼓一朝翻然思折節毒物先攻自肺腑
入水操鉞鋒上山挽强弩百步已令白額顛三日不畏
陽侯怒總由氣盛莫敢嬰詎同匹夫終恃武惜哉當時
無聖賢所師二陸猶傖父卒之忠孝由天性克己大

讀書補受命行師鑿凶門委身殉節膏肓谷我來茲邑
欽英風愧無佳政勤安撫禱獲荏苒仰風威莫申芹藻
祈春煦斬蛟臺外射虎墩但見澄潭映月山含雨

次韻葉孝子歌

陽羨城東負販徒兒侍母疾問所須問之不應空嗟吁
走禱野廟求神扶神言爾母病當脫爾身有肉猶可割
以子補母理或然屠刀在机不須拔兒但聞言母可救
豈期痛絕天默佑傳刃胸前五寸深當其下手眉不皺
凌晨有客過廟中見人仰卧刃在胸急前抽刃掖之起
遽甦嚙語猶夢夢鄉隣環問得其故異事傳說驚僮

兒死不死大可喜
那知其母病亦止
剜心之夜母有夢
探喉去物霍然矣
精誠相感天人交
慈母何曾真食子

遊善卷洞二首

旱乾水溢總無權
洞底波濤倒拍天
瀑挂湘簾披石室
潭穿地脉浸桑田
重淵燭照飛蝙蝠
四壁花開叫杜鵑
太息白龍飛去久
至今空說漆園仙

化蝶人歸失畫樓
碧鮮庵古逕通幽
謝鈞記掣紅霆曉
蘇建書傳翠蘚秋
石乳滴殘冰柱外
松花飛繞玉牀頭
俗塵無分探瓊髓
且喜溪山一日留

逆軒落成三首

為尋濠上樂徑造辟彊園水竹連三畝衙齋隔一垣因
思通坐卧先與撤籬藩借問此何地當年黃雪軒
作亭湏入畫架屋本無心但使循池曲何期結宇深小
橋斜引岼危石半欹林雅稱逶迤路憑教徒倚吟
菊迤原就簡小築亦旋慵松脫虬髯卧籬添麕眼封涼
蕪荷渚靜陰借豆棚濃勝客偶然到銜杯問課農

雨後迤軒小集

令長無善政望歲逾農夫行部喜麥熟出禱虞澤枯夜
歸漸浙滙曉起多沾濡開軒延靜綠對竹數清腴徑滑
暗藤蔓池漲滋蘼蕪雜樹鳥喧啁短釣魚噉喙偶聞落

花聲徐與好風俱放衙
愜遐想入坐邀文儒披襟自敲
筆得句同傾壺莫因衙鼓鬧
致使清樽孤更期野艇
相與汎菰蒲

殷庄袁府君廟

縣志君諱玘東漢循吏後為神稱果利王

殷庄見遺廟廟額袁府君捨舟一登謁雙像儼然神由
來有琢石莫識幾百春土人增塑一象服為夫人並坐
如鼓瑟歲時升苾芴偶像制非古於事為不文聊詢府
君誰縣長能愛民心憂水兼旱政逮梁與津其人死久
矣民戴如雙親果利崇其祀銅官護其墳衆復立鄉社
登盡溪之濱問誰使之然是謂懿好真妄推及細君婦

子來欣欣民情大可見俎豆久益勤禮原由義起故事
亦可因自省生媿怍何以奠溪芹

建國山碑亭

東漢分書漸適俗周秦二篆誰能續此碑純古藹神識
頡頏皇象崔子玉旃蒙協洽天璽元國山封禪千餘言
祭者臣朝書者建刊刻隨石為方圓圀碑八出三方泐
泛舟致慨風雨蝕

周必大泛舟遊山錄云蓋無屋庇之也

我來憑弔董山

頭琢石為亭護離墨吁嗟乎碑成五稔吳已沼彼昏誣
妄堪絕倒為珍字法永流傳天公暴惡何其巧

晝畫溪晚舟

綠樹清溪畫幾層
夕陽歸棹趁閒凭
邨農擊鼓秋祈穀
谿女傳歌夜采菱
叢竹家家圍菜圃
流螢點點落魚罾
買田欲問東坡迹
訟牒盈懷苦未能

次韻吳兎林鸞題玉鹽亭

狝亭久廢荒池畔
小構初成落葉餘
遲客蒼髯三徑闢
照人玉鑑四窗虛
萍花帶雨春欄鴨
藤萼藏煙夜釣魚
薄領叢中得閒適
敢同飲水話治滁

遊攝山棲霞寺二首

六代興亡舊跡迷
禪林猶說建南齊
都傳舍利豪光現
可許藤蘿百仞躋
澗外老松和石瘦
巖頭古佛髭雲低

紫峰閣對丹黃畫山鳥時來向客啼
攝山山頂躡雲梯宿霧初披獨杖藜
元武湖連山繞郭黃天蕩接水鳴堤
浮嵐已暗垂楊隴落漲猶侵刈稻畦
指點煙光城市近人聲鴉語萬輪蹄

桃溪勘山二首

霜蓬重有聲人語漸分明殘月隱荒戍
積煙空曉晴偶逢村叟出喜逐長官行
指說青青麥連朝雨後生便返桃溪渡
仍迴楓澗船荻聲喧落日鴉影破寒煙
地憶銅官舊人懷玉局仙漁燈時隱約
知有雪蓑眠

題韓旭亭山長

堤升丙舍圖

明發懷二人幽安異兩地分作兩舍圖細寫丁年淚裝
冊請翁題深拜仁人賜長言又歎嗟厥旨尤醴粹云昔
居羊城就養思燕詒亦曾寫一幀什韻奔行笥不欲出
示人見之增悲思悽惻感君圖珍重為君寄開緘虎頭
筆展軸蠅頭字筆標王宰作字錄陳公記宰樹鬱陰森
精廬擁蒼翠綽楔山南阡石橋雲際寺具區當其胸穹
窿垂其臂邏櫓隔湖迎連檣倚巖植所以藏佳城允宜
昌後嗣陳公翁外祖詳為翁祖誌喜逢香山隈不計梅
園值牛眠合邱封馬鬣循叙次宅以營菟裘田以供祭
器花嶼足扶踈月軒宜講肄亦越翁尊甫堂構修弗墜

難忘廬墓心孤吟入山志讀記兼讀詩油然錫爾類因
之畫史傳孝思永不匱合葬今未改兆域古所識安忍
天一方尚自行作吏翁也慕終身小子益酸鼻撫卷復
何言挑燈愀不寐

自題玉鑒亭雅集團四首

東風吹綠一池波臨水新亭帶薜蘿檻外籠花春晝永
林閒移席晚雲多明珰兩茁清湘夢紅杏初開白雪歌
坐客人人富文藻西園雅集較如何

水閣簾開吏放衙時從小築想煙霞故人偶駐江邊舫
逸客常乘海上槎題筆巖齋忘岍幘對床風雨記烹茶

侵尋屋角玲瓏影照徹牆隈爛漫花

山高南岳水荆溪千里衡湘咫尺迷花萼滿園看雁過
松楸傍隴聽鷓鴣啼人憐莊鳥仍吟楚馬憶吳門舊望齊
為語畫師姑閣筆圖成丙舍著標題

曉暮春城語燕烏那堪聽鼓府中趨看花郭外催攜屐
勸稼田閒止下符十二把長期中鵠百餘驕熟笑投壺
他時人去亭空在賸有風流展畫圖

自郡回縣喜兄姪偕何星田至署二首

忽報江風放客行半天雨氣散新晴流雲曲隴迴帆影
落日孤邨打麥聲市地花飛雙燕舞垂楊煙重一鷗輕

瀟湘春水年年綠五兩遙生萬里情

寒帷喜色上眉尖
棹萼初開暎畫檐
雪徑三年鴻爪合
桐陰十里鳳雛添
更憐吟客敦前約
莫恠粗官似舊淹
岳麓庭邊憑細說
銜杯追數幾郵籤

張渚山中

呼騎乘曉發駐棹恰宵分
一徑覓林出數聲棲鳥聞
听花香度水山來浪連雲
列炬前邨過茅檐已薄曛

題鑑兒讀書圖

汝猶在母我計偕汝坐七年
我歸來是時汝祖七十五
抱汝置邨相嬉諧云汝未能
了瑟僂日誦百名音些些

但喜椎樸視毋誑勿以愚魯棄不才我時承命勤課讀
不敢捶楚驚堂階十年五經粗卒業習為帖括多刪裁
即今惟餘范高硯遺書幾束藏空齋居然作圖標所志
汝志邁往吾悲懷要知汝父豈足法祖德未遠求津涯
學先器識後文藝慎毋忘汝初提孩

泊舟毘陵東門待制府未至散步艤舟亭至天寧

寺

野鹿繫在陸少縱即思騁我性宜山林更愛招提境約
束奉上官局促不得逞方愁弩矢驅且命騶從屏艤舟
停勢孤洗硯池光回簣管綠千竿菡萏紅數頃倚檻蕉

衫涼踏石棕鞋靜上方出塵埃初地入清冷畫壁走龍
蛇松寮懸壺影定衲寂無聞客懷猛有省但願同鉗鋤
何當謝簿領昔賢惟端明禪那得雋永小冠夾岍觀挂
杖野狐警我如行腳僧未暇衣裳整忙入愛閒雲深造
慙脩綆一榻坐忘歸雙林暗移景步履出門看手版逢
吏請

家兄赴京兆舉舟中賦別

少小嘗從學文章老更清乾坤雙短鬢風雨一孤檠藻
鏡知無負青衫意未平揚帆分夜月半榻枕衾橫

擬行路難五首

乙卯

奉君九華碧玉壺中有清冰一段迎風儲奉君七寶琉璃
離枕中有積雪如雲映月滿雪深冰沍不可當勸君且
置南牕床床上塵埃有時起窗前炎歎何日已壺開風
動壯寒門枕發雲生絕泥滓冷淡安能可君意他日求
之不易致

兩鳥鳴枝頭一為乾鵲一雨鳩好尚各有在安能屈折
強相投縱令投之若針芥轉瞬旁皇失其賴心誠憐白
髮元情不怡艷色姍寧為秋霜毋為檻羊丈夫昂藏在
氣骨休任狐埋復狐搨人生知遇會有時底事苛求眼
前物

有馬致千里舉足異矯駘道旁觀者皆歎息何況蒐擇
臧與材稱奇讚美孰能用用之莫與凡馬儕此馬食必
玉山禾未可飼以蒿與萊乃今牽連共伏櫪芻豆反受
廝養裁此馬揚鬣出塵表不肯搖尾鳴其哀羣騎嘶風
低且媚反謂高鳴音乃乖此馬不待施鞭策崑崙月窟
獨往來乃疑要駕不可御奇情盛氣宜少摧號稱知馬
兼用馬局促未展籥雲才鳴乎此馬默自悔當時誤逐
葡萄來青絲絡頭為君老何似空山寂寞藏龍媒
松生崖石際已具千尋梁棟勢移之盆盎間曲幹拳枝
力芟薙繫迷駁馬誤斫檀北樹礫砢寧不諦君家廣廈

高凌雲衆木工師量巨細年深日久有修舉曷弗儲為
柱石計娛目何煩枉大材韶花穉樹滿階砌

抽繭抽黃絲黃絲性膠不可治分經分素絲素絲瑩潔
不可緇我昔十五學為織璘藉跼蹐細組緝我年二十
學為繡天吳紫鳳描昏畫繡為章服織成錦花樣不同
徒刻鏤織素或今從閣出繡紋不若倚門候還將杼軸
與針黹收拾珍藏篋笥裏

題洗石圖

我聞未谷

曲阜桂馥

殊磊落燕亭

鳳臺傅武

為我言秋鶴

嘉興吳少

松兩人筆墨皆清奇未見其人第約略昨經冒雨訪竹

虛

嘉興吳履

是與二君行相若到門隔水不得見重叩荅齋

話蕭索今朝寄示洗石圖神采豪端觀躍躍未谷得石
塵埃中為洗玲瓏出邱壑秋鶴從旁仰面看呼丈呼兄
寄娛樂萬牛昔入平泉莊片席今登清閼閣却將圖畫
誌欣賞竹虛憶往追而作吁嗟我亦石腸人誤墮官中
困椎鑿展圖歛衽不敢拜息壤要君君定諾未谷遠遊
不可追願遮秋鶴下寥廓

同胥燕亭明府遊獅子林

鹿獨事塵鞅狼顧阻遊躋城中獅子林三載隔咫尺勝
侶携芳樽幽棲接吟屐池開見孤亭人立驚恠石初疑

位置疎旋覺蹊徑僻曲折似頻經
蘚苔無復跡俯視重潭清仰窺一
峰碧倚筍坐松根攀藤騎屋脊如
行數里遙未覺百弓窄因思雲林
迂絕似平泉癖殘毀見匠心
況在始經畫稍憩欲重遊當關報
將夕出門戀煙霞分手挂帆席

陶山詩錄卷一

陶山詩錄卷二

善化 唐仲冕 六枳

松陵集

吳江舟中二絕句

短檣出煙汀煙外聞疎語野水綠三篙秋花紅半渚
樹梢衝霧立帆影帖波行更無吹簾過聊此倚琴橫

新製小舟三首

中流輸畫舫小製學漁航底類牛皮滑篷宜幘屋方濟
川材自弱破浪興難忘倘得乘風便無勞打槳忙
歌側坐難穩兩三人可居壓裝新采石塞案漸堆書半

榻隨雲宿雙櫺閉月虛秋風聊覓句楓葉落疎疎
最喜經行處村橋面面通采菱低傍水刈稻近迎風未
許傳津鼓何妨貯釣筒本無簾幔隔環笑任溪童

自題岱覽圖

膏肓鬱嵯峨英魂照耿耿夢我足廿年東遊豁一省先
公宰傍邑吾母葬支嶺因之熟往來久憩林壑靜仰跨
飛虬顛俯矚孤鴻影倚石撚吟髭向若濡禿顙念此一
握青殷於念鄉井有客寫為圖筆墨致清迴咫尺論千
尋重思雲卧冷何當岱畎畊疏水完素秉

垂虹橋送弟姪歸楚三首

丙辰

垂虹春色黯然深
應爲離懷晝欲陰
細雨三篙催酒琬
斲雲一片挂江潯
鷓鴣竹外添歸興
鴻雁樓頭度遠音
水欲浮天愁送客
况緣骨肉動鄉心

離合難期是宦遊
故鄉無力問田疇
兄經幾月懽相聚
弟住三年去莫留
猶子更宜尋舊業
小兒先已放歸舟
一官自覺羈孤甚
返棹重來莫待秋

荆溪景物類吾鄉
一別終年兩未忘
此去定經沂泚雪
相逢莫道鬢毛霜
和風艤棹江城近
細雨催帆水驛長
指點前途多穩便
小瀟湘畔話瀟湘

道院尋梅

梅花不在山所稟自山骨誤落城市間冷蕊豈易發今
年倒春寒蘭蕙俱消歇正恐山中梅猶未綴香雪吳江
近無山問梅思杖策忽聞道院花步屨尋巷陌行童茶
具陳伊蒲食單設微香入鼻觀奇葩生眼纈雜坐石床
歌滿引金樽凸東治有老梅枝幹竦屈鐵迴如雲端仙
簪裾露芳潔隆中本巾綸鄴侯仍衣白大隱隱朝市何
必羅浮窟一笑為解嘲歸途屐齒折行人莫逡巡我是
探梅客

題故翰林徐君

鈞

楓江漁父圖

涪翁漁父天隨子元真以來一高士後有臞庵釣雪灘

風流不墜先生起先生浮家傍西濠投竿應

詔蓬萊宮荷囊簪筆書奸忠一麾遠舉飛冥鴻急脫袍
衫著校初笠簷簑袂江湖老圃開生面百廿年至今猶
有煙霞繞我亦素願盟鷗鳥蠶絲自縛何時了流外官
兼掣肘多深服先生見幾早三高祠應添一座餘韻流
傳高莫和仰瞻遺貌汗淫淫書生悔弗安窮餓垂虹水
滿東南春莫待秋到惠鱸莼隔溪漁莊在蘆荻不見鶯
時垂釣人

次韻何星田燕至偶賦

桃花帶晴旭傍晚紅到門開門見雙燕飛舞尋芳村似

愛官舍廣不知訟庭喧高梁落舊壘細雨依新軒主人
致勤懇好趁春風暄春風無多日勉葺安棲屋柳煙啄
黃金梨雲裝白玉將雛繡閣深掠影琴絲綠努力惜芳
菲慎毋輕信宿因憶蟄窮島何心近粧樓忽念主人意
情重如山邱花信傳黃鳥社鼓催青鳩便振差池羽上
下音相繆營巢輸鵲巧擇木慙鶯儔既托人間世宜懷
幕上憂銜泥得香潔莫下珊瑚鉤

次韻韓旭亭山長見懷三首

遠行歷崎嶇始憶康莊路當其在坦途未信旁人訴宦
程亦若斯新遷不如故況與高賢遊別袂懷雅素

先生古松栢不逐桃李紅有時喜得句意氣如長虹謂
余宦情薄時以詩歌通絕憶蜀山遊脩然玉局風

邑志事纂修傳信須史筆倡始未歲成誰歟紬石室講
席兼師儒有道尊學術此書當折衷此意同請益

時修
宜荆

志合

即事走筆簡星田

北窗常不開先生未知暑我其內熱歟輒令啟窗戶啟
戶見修竹颯然灑新雨好風竹間來煩塵除肺腑胃空
思進餐體適便寢處因思陶元亮情境亦如許靈臺若
塵汨乃藉清陰貯若為無病人何須藥餌補

次韻蜀生何雪圃

人鶴

之子飄然獨我尋，但攜吟帙似囊琴。
從軍枉擲班生筆，作客全輸季子金。
十二年來江水濶，五千里外峽雲深。
從知長物都拋却，轉為詩名苦用心。

擬行路難四首

聞君好樂講音節，淫聲嫚聲謂之褻。
奉君寒玉與響泉，太古希音猶未闕。
主人驟覩聊一撫，疏越泠泠了無悅。
命工破去為別調，義甲撥絃轉幽咽。
中含圓美鶯喉滑，愉懌誠多少清切。
吁嗟古調久不彈，吹竽一一須分別。
君今以瑟召瑟工，胡令箏工居上列。
雲和奏必絃朱絃，

抱瑟逡巡意難說

灌園須抱甕斟酌少隨其用灌田須桔槔翻波吸水
來滔滔若以甕灌田涓滴無濟何太勞若以槔灌園割
雞又焉用牛刀乃知俯仰從人者小屈大伸意彌下千
滕一溉用功深行且抱甕歸漢陰坐看山川出雲去普
天之下皆甘霖

太倉之鼠飽且嬉人自莫之知齧書之鼠黠而癡猶且
乘其危惟有叢祠陰社藉憑依創雞醑酒禍福隨黠者
竄藏穴其內手持鴉鵲心狐疑投鼠忌器器可移憑靈
依怪終莫治福不盈皆禍將溢世我自無所求縱爾靈

怪安所施

室中懸一鏡久為塵翳蒙拂拭出光彩炯若青芙蓉照人毛髮擢可數百步之外見堂宇如何項背在吾身展轉求之視無睹反鏡而索照如面牆辟窺奧突旁人分明未敢說猶倚屢照非滅裂靈臺自有大光明驅去薄蝕還精瑩

顧黃門

野王

祠

浮玉洲前問顧墟顧公遺跡感欷歔將軍白馬驚磨盾學士斑駁喜接裾祠拓午風千頃稻潮平落日一江漁主篇有集流傳久身後名猶藉著書

奉檄勘芮尤二姓訟宅

讓畔不失段讓路不失步此風邈難追尺寸起爭訴里
胥弄其奸官吏為之蠹往往千金家坐是窮無袴買屋
論間架抵冒乘筆誤築廬拓基址侵踰及旁附結疊由
貲財藉口重墳墓訟牘高積塵勞費豈有數其人蠢難
喻從與神所惡我無平獄才奉檄操尺度霍公魚鱗冊
依離費疏註甚媿中年賢惟絕梗陽賂勝負汝皆愚曲
直吾敢護歸當閉戶趨脚躡踐行露

親查保甲紀事

吳江澤數多窪苻張田楊港各一區力編保甲仍履勘

初至渭字稼字圩港南港北遍菱蕩兩圩之民多業漁
漁者夜出曉歸舍踪跡未易窮根株立竿牽繩日晒網
夜為欄柵周其廬其船往往銳而橈穿濃收隄如馳驅
始焉肆竊繼行劫吏或縛取難駢誅港外設柵幾出入
時獲網漏吞舟魚長船改截秋扒式漁目編烙戒勿疎
到今行旅與富室尚苦囊篋遭探拏我来逐戶按其藉
或先伏法或外逋所存二百八十戶示羸匿壯防追胥
東南更有房字圩夾岸貴字比鄰居其南暨北戶三十
置屋不與楊港殊門戶雖別內通合捕者欲逐空踟蹰
昔時楊港有淫祀木偶既沉宮已濬今移張田卧雲寺

夜聞官至負以趨朝來追詰出二塑二老面白三老朱
手持黃金僭冠服視前沈像殊相符薜言卜玳供酒肉
急則陰佑踏船呼此祠建自毀祠日急令碎之堂階塗
封鐫寺門杖守者隔別墻宇判里閭為生自可足蟹稻
嗟爾莠民宜湔除

次韻星田九日遊石湖四首

誰把黃花插滿頭登高連襪濟方舟相逢席上題糕客
共對江干落木秋綺里半川雲際寺文峰一曲水邊樓
詩豪逸興渾無限應進芳醪倒百甌

夢逐東風泛綠蘋回頭幾度故園春橘栽楚頌成虛願

楓落吳江稱客身，灘外碧蘆清有雁。
籬邊叢菊瘦於人，洞庭波起芙蓉老。
岳麓峰頭記得真。

憶釀延齡作壽筵，五鍾三釜定誰賢。
扶鳩曾侍含飴席，望鶴空懷把釣船。
吟奉雪髭懽坐客，遊追雲屐挾飛仙。
祇今惟有駕鵝近，萸糒齊停賦短箋。

羨君詩味美於回，拈韻連章絡繹催。
花向范公村畔覓，白從邠老雨中來。
羊肝風味香盈座，鶯脰煙波月滿臺。
最念蓬蒿三徑在，幾時親串樂銜杯。

次韻秋草二首

宋玉逢秋意自孤，況驚搖落到平蕪。
半生果被青袍誤，

此日真隨綠髮枯蝶夢重尋來更去馬蹄小試有還無
芳郊豪氣消難盡醉後彎弓欲射烏

夕陽廢苑下牛羊猶戀蒙茸舊路長堤畔已荒秋後雨
墻根偏受月中霜六朝如夢葢音集三徑全封蛭影涼
燕麥兔葵何處去種桃人在待劉郎

徵漕歎

丁巳

吳江漕十萬冬運十之九今年蠲常潤蘇艘急交受縣
官拙催科屢欲解章綬牽連不得去跼蹐蹈愆咎前期
發徵符刻限驅下走朱墨無時停呵叱常在口餓隸暑
敲榜邨姬竭升斗蟻趨赴倉廩魚貫釋擔負大戶囊壓

舟餘粟杵投白出兌未及額發運大滋詒丁弁虎傳翼
粒粒索瑕垢凶徒悍且黠高下任其手輾轉磨誅求倉
卒遭詈毆蕨事默忖量強顏媿童叟民言官素廉安有
錙銖取吾鄉重租賦吾田傍澤藪滂則竈產蛙曠則星
在留收穫視他縣遲且兩月久索糧倍索逋失期或械
杻追呼到鰥孤賣鬻蕪宅畝野有號寒兒室有啼飢婦
縣令豈無良聞之意怱怱孽由官自作惡在為父母仰
屋泣數行有醜情難剖悉索了公事何嘗甘克掊額民
諒其衷唯唯復否否為政求民諒此意亦可醜唯當投
劾去行矣戒我後

脩養濟院

王政憫無告穹覆大帡幪計口授厥餐鰥寡靡不容年
深鞠茂草露處號淒風長官治其廨亭館開玲瓏此屋
乃不脩諉曰金錢空我來趣召匠吏白籌先傭冊籍申
臺司稽覈常相蒙我言百餘命惟賴一畝宮稍遲霜雪
繁半填溝壑中爰令鳩衆材親與規百弓墻垣築堅固
渠澮疏通分門別男女比舍戒祝融侏儒曳斷者瘠
聲扶瞽翁相將就衢巷笑語忘龍鍾鼓腹午炊白曝背
朝瞰紅安得千萬間安集無哀鴻一夫恐不獲在宥仰
皇衷小臣力其職豈必財用豐

葺松陵書院

社倉善養民其弊多紙書院昔講學今以優在告乃
若州與邑侵牟半虛耗師弟不相識術業日訾謗松陵
懸此席虛糜列名號齋堂本精舍傾倒及庭奧當思餽
羊存豈容牧馬書院在驛亭側修垣待阜比擁彗供灑掃古
人重修能通經恥蟬噪乃今科舉業亦概置弗道此義
都荒蕪其材乃放鷲文詞非道德涵濡息矜躁鄉校非
庠序樂羣漸啟導善政如良田常賴甘雨膏我慚學道
人愛士何能造留以俟後賢鼓舞先執翻

遣僕赴陶山掃墓

岱雲西護鵷夷洞飛入江南遊子夢幽宮黯慘閉慈容
麥飯淒涼缺親供昔時作客尚來往今日居官徒惺惚
荷鋤誰能置祀田把茆那得加祠棟祇緣插柳近清明
走遣長鬚語珍重隴頭土石舊崎嶇隧外松楸新補種
寄言樵牧與鄉鄰莫放牛羊踏其空誓墓有文滋忸怩
表阡無碣待磨礱縱令莫墓隔重泉況乃雲山阻歸轡
馬醫夏畦曾不如底事乘危戀微俸

脩先農壇

官民皆以農為命此語語官官不信力田逢年民自和
官司默受農夫慶江南農民少蓋藏歲一不登多道殣

即令守宰盡糶黃自古揀荒無善政往年松江海潮上
傷海飢疲悉蠲賑勾稽出納煩大官竭蹶補苴嗟縣令
去年徐沛水為災長吏雖才亦不稱以工代賑治堤埽
發倉振廩吾

君聖小臣本自田間來勞農聊可隨田畷荆溪往歲輒
豐穰吳江此日免飢饉吏才拙藉無事藏民生感倚神
庥定如何壇壝祠先農敗瓦頽垣失誠敬重興棟宇四
阿懸更治階祀三重正九壠先耕受厥明一言致禱神
其聽官如不職譴在官莫將瘥札為民病

建山川壇

吳山一角湖萬頃出雲興雨澤壇町祠壇舊與社稷壇
城東城北分兩境祝版合書二令名春秋分祭禮從省
云何壇壝不如式命匠規方為修整中唐既甃欄楯施
外垣周繚門屏靜吏無嘉德藉神庥

國有馨香為民請敢將豐潔冀憑依當思肝鬲致恭靖
嗇夫亭長謹護持穉柏新松要巡警

冒雨視黎涇橋工因憩上沈觀鞠村民之為奸者
三首

跨水橫橋斷爭舟濟涉勞衆擎欣易集一實欲親操戴
雨朝停蓋披風夜插篙猶煩躬執扶遠愧弗勝慙

近郊無鵝茆仙觀得清寥玉笈抽書讀丹爐為茗燒花
深藏鶴柴池漲出魚苗無分耽幽趣塵勞到竹寮
褰帷朝霧入返棹暮雲遲害馬當除處奔牛入閭時誰
憐烏攫肉惟望犬生聲隴麥蕪畦菜歸增學圃思

送何星田同家兄南歸二首

郊外留春帳橋頭送別船那堪柳條折況賦棣華篇鴻
迹知何定鷺鳴聽屢遷江城良會淺僂指未三年

家督有遠志憐余違薜蘿對床風雨少挂席水雲多恩

賁五花軸名登三選科

余為兄請
以兄應孝廉方正之舉

潘楊

舊姻婭同樂考槃阿

暮雨過龐山湖

晚風作霧雨如練十里湖光天一片
茭蘆春長綠如煙入臨漁舟深不見
牽纜方驚水沒罾推篷但覺風吹面
斷雲飛送遠帆來欲問前程急於箭
湏臾暮色忽蒼然桑柘陰陰入芳甸
沙鷗數點是龐山贏得人呼山水縣

冬菹

人菹惡青青陸菹宜央央菹也生於冬
逞味超韭薤先子風嗜之一箸常取快
下之和鹽豉芼之雜薑芥每飯供盤
滄手摘佐精糲此邦非物宜初種尚
纖介經春得肥美鄉風纏齒齟况同
昌歎思正值清明屆薦獻羅豆

登潛然向稽拜采蓴本素懷拔葵自官戒溪毛苟逮存
安用椎十牾

田間父老與語

吳民不畏官況親履阡陌從吏勿鞭呵緩頰問雨澤野
老前致詞竚立手負戟為言好菜花且喜青青麥麥期
充餅餌菜足榨膏液又種荷花草糞田無磽瘠今年勝
往年春華已驛驛媿無足民才聞之手加額天特憫農
勤民應趁土脈滿地皆黃金踐踏吁可惜時方慶蠲租
無事煩伍籍朝無吏打門夜有雞棲柵慎勿逐嬉遊善
自彌釁隙吾寬未可狃來者有刻覈水懦易招猛來溼

恐轉迫聞言各點首老幼相扶掖前村聒烏鹽來繞雙
鳧歸

陶山詩錄卷二

陶山詩錄卷三

善化 唐仲冕 六枳

閒居集

引疾解任四首

強以山臞逐宦場自應靈府困周章未知患苦在何處
欲下鍼砭那有方五載簿書空鞅掌半生泉石本膏肓
頗思頽放因稱篤重繭加水獨卧床

野性難馴屢觸藩包含裁抑總知恩不堪驅策真疲馬
猶許樊籬有逸援世事若今無束縛此身端合在邱園

還從桑下留餘戀仰羨鴻冥與鶴鶩

時受代已
十餘日

一官清白舊相傳去任蕭然祇自憐奉禮欲求仁者粟
當歸仍理孝廉船一家老屋三間破兩地崇封四尺懸
昨夜夢中親辟咤固窮常酌隱之泉

臣精方壯不如人霜鬢年來逐日新盤錯無能原是病
硯田猶在莫憂貧煩勞漸與文書遠將息何須藥裏親
頗喜妻孥還自得牛衣甘對甌生塵

蘇臺閒居八首

生涯只合裏麤繒受命由來日飲冰不敢告勞甘下考
亦云可使怨良朋倦飛頗類驚弓鳥歇夏權為退院僧
欲賦遂初難自遂養疴整許謝炎蒸

僦屋郊廛樹影重黃紬卧到日高春當闕不報催朝鼓
古寺遙聞送晚鐘遮眼雨窗惟擁卷披襟風檻輒支筇
疎簾清簟消長晝已覺江邨野興濃

浮家薄宦失煙蘿納祿方知食指多至性合離闊氣數

兄弟皆於解
任前回長沙

中年哀樂付禪那家婦新亡竹竿娟娟鮎難上

庭戶蕭蕭雀可羅今日為兒新聘婦向平心事尚蹉跎
楚江烽火報平安欲理歸帆問釣灘負郭苦無田二頃
閉門空憶竹千竿名如雞肋拋何惜貌不鵠肩退亦難
雅素侈談高尚志翻疑戀棧為微官

陽羨書生五六人敝門握手倍情親攜來茶筍思風土

餉以盤餐洽主賓此日熟梅逢舊雨幾時栽橘結比隣
越雞伏鵠愁無術多謝相隨畏壘民

煙籠萬瓦雨淋檐涼似窮秋奪乍炎胸臆入牀侵草履
昔耶緣砌上筠簾壯懷感事談騎射活計關心到米鹽
積水銅街無所往藕花風裏檢牙籤

綺麗吳趨花月深鍵關閑閤似幽林燕來忽去山堂晚
鳩逐還呼水閣沈斷酒愛看投轄飲貪眠幾廢倚松吟
偶從窗紙窺鐙影細聽兒曹誦讀音

宦情慵似羊公鶴知遇深於丙相茵四十頭顱雙鬢改
平生肝膈一人真應嗤馮婦還攘臂尚為孫陽顧絕塵

早晚粗酬國士報故園歸去楫閒身

晚過山塘

塔頂半斜陽輕舟趁晚涼雲移山入郭風湧水平塘林
際鐘聲近樓頭燈火長畫船相問訊去棹為誰忙

廢宅花

春意不擇地間花如向人那知庭院寂自放綺羅新絳
蠟尚餘淚香車遙隔塵多情惟蛺蝶依舊舞芳茵

移寓八首

我自授室後從無三年居況今新謝病僑寄非吾廬賃
錢漸不繼節省敢求餘家累日挈挈歸裝尚徐徐既借

一椽覆當謀儋石儲器用苦素乏今乃思刪除先營井
與竈置此牛腰書

書本舊生涯窮窘亦坐是但念先人傳蕪之性所喜屠
尾日以多長物累遷徙結習尚未除三篋雜行李堂東
堪坐卧聊設烏皮几隔別堂西頭篝燈課兒子却笑撲
窓蠅欲出鑽故紙

西鄰近黌宮文物此淵藪書院聚講貫生儒各師友羣
彥不棄予結交意良厚相隨入宮牆松柏蔭岡昇中有
石嵯峨鬱林名不朽廉吏而可為有石能歸否何時返
故園自種先生柳

門前滄浪水上有亭翼然嗟哉蘇子美被謫何可言寥
寥千載後士夫更流連吾人重名節立志苦不堅進退
會有時豈必皆華軒臨流當濯纓新沐共彈冠孺子及
漁父逝將與周旋

去住了無策駕言一閒寫望望洞庭雲遺迹問銷夏山
塘多畫舫俠少爭遊冶李娟與張態或解親風雅紅裙
惱文字白帟厭杯竿欲令鴟為媒誰是同心者載月滿
船歸秋蟀吟階下

秋露已霑濡秋風漸蕭颯薦新人子心適與中元合宦
遊異吳楚經時幾伏臘先靈無近遠椎牛不如禴詒謀

陶山詩錄卷三

昔諄諄奉職今沓沓音容儼在堂責望未能答紙鏹化

為灰酒肴盛以榼酌奠及新鬼

謂兒婦

啜泣聞閨閤那堪

孟蘭盆鐘鼓喧鞺鞳

形家言松陵官廨素不利解任寓盤溪湫隘更卑庠肺
氣困山妻兒曹苦泄痢汗通枳橘飲藥和芎藭餌數檢
肘後囊將息漸安遂移此數間屋頗有爽塏氣死生自
在天升沉豈關地但辭燥濕侵食貧乃素志

計口三十三五日米一斛薪蒸及蔬果畫叉錢不足若
能憩林泉藜藿勝梁肉吏職雖退閒人事尚羈束如行
泥淖中常恐蹈深谷客遊廿年餘隨寓甘杞菊一行冒

塵網當食輒仰屋因思敝廬存庭階生旅穀

題吳竹虛詩卷

存者廿五首讀之思廢吟人言有畫意我謂得禪心秋
淨見霜鏐夜寒聞雪琴編詩如束筍何處覓知音

和周雲臺

銘勳

風櫺行

冰紈方空頗黎窓罨墨藻井懸穹窿風不痺瘰晦不黠
延年畢方益壽邶散秩居似船繫樁符簷頗息足音梵
兒曹就傳依敦龐其民之敝愚而憊大兒冠緇珮瑋璫
中兒束髮髻髻小兒爵躍衣短襦冠者洛詠初成腔
瞽者捧卷案前躋者學語尤恹恹瑟調未了注目眈

先生有道厚信砒為祛疑網折慢幢滿座香芸勝蘭茝
盤餐粗糲兼醅醢雞談掩關謝紛囋繼晷更然短檠釭
夜深落藥囀紅玉吳淞潮海連平江狂飈入秋來春擺
大木百圍生崆峒怒濤澎湃鼓流淙潢汙行潦皆從從
裂紙破壁予以縱坐卧如在壞絳舡毛髮浙漚先增慙
欬唾達旦同更柳先生之文鼎可扛先生之癯旗已降
凜若窮冬壯寒鏗劇欲移榻避洪濤我以素食更逢瀧
媿無夏屋開春缸滿奮屏風世少雙巧思豈必都盧橦
踈櫺薄蹠效歡篋牖中窺日無眴眴下視疑有玉女媿
有如畫井分藩邦六枳為闕朝冉駸有如營田俾犁稜

簞門圭竇悄吠尤不然形軀頓降肱愁聞蛩蟹蟀蛄蚘
先生安眠聽逢逢弟子諷誦叶褐橙詩筆健於華蓋杠
深險難測不可濬苦連那覺飛輕艤時在松江舟中可憐鐘呂
以蓮撞

假司馬集

起病往權川沙同知喜晤王鐵夫學博邑孫兼貽
其配墨琴夫人詩札二首

投閒整許僭頭銜視事儀文一例芟敢以嘯歌頻岸幘
莫言淪落欲霑衫郡朝尚自隨雙鳥宦海何能駐片帆
小印新鐫假司馬故人書寄輒鈐鍼

寫韻經今第幾篇貽來辟合又珠聯休憐冷署秋過半
始信仙家月自圓泛渚清談逢謝尚乘槎奇遇羨張騫
一官漢落猶勝我斗酒鱸魚得婦賢

呂堰巡檢行

嘉慶元年歲在丙辰三月乙亥日盜焚呂堰驛守臣巡
檢司王翼孫死之一解巡檢短小精悍善騎射能挽五

石弓馳四百里不頡舍二解以文無害推擇為吏才禁

不得施叶再官荆襄地奸民煽變逢此懼叶三解變起

枝江延及鄖陽荊州施南宜昌復起襄陽之黃龍璫逼
呂堰旁巡檢募勇於鄉約法八章呂堰無城隍巡檢為

保障

叶四解

盜擾我郵將肆其虐劉巡檢乃結束腰劍

而遮擊之手馘三酋

五解

盜鋒小挫益思逞巡檢得之

於間誦寡不敵衆急上請此驛一失軍書梗援兵不至

盜狂騁

六解

三月晦火四起巡檢曰事亟矣作書別父

兄毋念子若弟守道不如守官趨監司召入城寸步不

敢徙官雖卑得其死

七解

大橋上盜蜂屯大橋下波鯨

吞巡檢登橋擊盜刃數人從容遣僮從取印還縣官裂

背罵賊髮衝冠力竭乃自沈諸淵

八解

羣盜方駭愕倒

戟而出之罵聲不絕口攢刺棄其屍故吏廖之義僅於

泥沙獲戰衣土花斑斑血淋漓

九解

是年八月盜復寇

呂堰都統帥師用誅殄獲盜俞宗武得其實詳且盡乃
以上開蒙

朝廷嘉憫報之卹典

十一解

神入昭忠祠世襲雲騎尉謂

以死勤事不係爵尊貴自巡檢殉職以來盜起幾二歲
楚氛竄入秦蜀界

國家兵食豈不備如何令盜尚狂獗高牙大纛金貂珥
聞巡檢風當益勵

十一解

巡檢有兄於今天下工為文

章官華亭文學痛巡檢以

王事亡不獲親求其骨葬其衣裳以其子嘉福奉其烝
嘗國史宜有傳復述行實播休聲

叶

嗚呼巡檢兮雖死

猶生

叶十二解

引河篇

平江平無波畫船載簫鼓官吏慣乘舟不識泥塗苦督
臣兼治河檄下五州府蘇郡治三邑一出二子處謂予
為冗僚攝行毋少紓少讀桑鄺書決排溯神禹長誦河
渠書空言近迂腐此役況備員倖作等傭豎水衡用不
足聊藉郡邑補辦嚴籌金錢赴期戒行旅蹇驢重驂騑
屠蘇比堂廡彭城見使相慰勞有溫語爾本江南令目
僅見洲渚疏濬有機宜爾素不聞睹分功定眈眈發卒
紛芻午人為操畚揭爾但儲斛斛度支謁司會如何計

方土云值增三倍省陌宜親數疾馳二百里乃得造工
所工段五十二第八具冊估為植先武人千番若可鼓
長近三百丈深強一丈五掘纔六七尺沙水暗吞吐牛
皮為校初樹枝為蔓斂效勇

河工兵目

告以難辛苦索賚子

予乃蝨其間無文又不武彼衆而我寡部勒慮其怒將
詒棄甲譏未愜挾續拊有時獎勤劬抑或扶惰竅忽聞
鳥獸散神氣為之沮賞罰無勸懲抵冒孰鉤距里行必
三休日食必四鬴捲河向之瀉惟以吏持簿匠人行奠
水磬折以參伍水屬貴理孫為淵白於矩先定其規模
何事效刻楮去年吳家寨河決不可禦因議疏舊渠數

里已岨崕今年秋七月碭汎潰雷雨吏民走倉皇曹洪
廿六堡音壯堰奔上流南岸墜下潁河流挾沙石氣洩
墜毛羽泛湖溢金堤濬川事大舉曹單及碭豐延袤接
壘圍齊得六十里徐得百里許雖宜裕饌糧耕織各有
主

朝廷重河渠置吏遴才譖歲糜數十萬酬賞加綬組大
役儻不貲裒益見端緒量能受其要如以狸執鼠課功
不稽財誰非求贏賈文吏侵薪芻武吏壑澤隰小民貪
小利沮如長禾黍及其興徒卒且或充筐筥河伯豈不
仁皿蟲乃為蠱嗟哉濱河黎漂蕩罄宿貯擁樹出昏墊

浩淼失邛聚窟穴以為室木皮以為褚幸逢

堯舜聖蠲貸急摩撫民咸曰更生河其長順軌叶我往

觀塞決水勢如勁弩必待引河成正流始無阻弗鬱柏

冬日泥深冰可斧功不愆於素事乃得其序大臣庸非

常才足任艱鉅勞費不可再永逸利斯溥持籌塞漏卮

防患徹桑土難爭國僑承詎納仲幾海巡功冰在鬢勸

相酒斯醕傳呼大府來拜塵輒凝竚來時頗旁皇去更

歎莽鹵當事命我前邁歸姑任汝悉索償爾逋簡書重

靡鹽肩輿出彭門黃樓望檐宇同行或去留歸途鮮徒

侶宿遷再問渡津吏指可俚導運灑枯河湖澤尚訐訐

河水清且漣其流僅如縷寫鞍清口開買棹長淮浦會
通其北支邗溝其南股渠成萬世利大勞非噢咻未知
今所為果能及前古打槳過竹西鳴榔傍瓜步音蒲葦
落寒潮鴻雁隨柔艣揚子通常潤風光獨和煦因思江
以南年年熟秔稌瀕湖足蠶桑衣絲棄管苧自非供兩
租但知勤九扈即如穿渠役徵發盡十部他郡起車徒
此鄉歡士女稅外無方圓況當飭簋簠京口歲鳩工亦
如鑿底柱財賦所從出樂郊承多祐民思樂毋荒吏惟
柔不茹從事匪獨賢索癡緣細故叶或厯落欽寄或逍
遙容與或出入戴星或清談揮塵材力或矜尚權宜工

補苴捧土不知量滿腹庸為愈笑我如枯魚作詩示鮓
鱖

于役河渠雜詩二十首

聞攜子姝敬巖扃水榭山樓次第經司馬權為方外客
同人齊上可中亭板橋雨過池光白石壁煙消塢影青
忽報檄書催上道漁燈却羨蓼花汀

是日遊
虎邱

司空曹掾列陂湖

漢有陂
官湖官

豈為治經召監儒細展漢書

溝洫志急趨使者王麟符王尊早待投圭合賈讓何勞
獻策迂傳道醜渠資引濟冗曹只合負薪芻

輕霜拂裊正蕭辰壯顧樓頭曉問津木落山高風翦翦

煙消日出水鱗鱗中流擊楫江豚拜長嘯掀髯海鶴馴
拚醉好沽京口酒漁舟一葉岸烏巾

胥江煙雨故人違忽漫相逢興欲飛此日舟中蘇玉局

往時席上謝元暉

九日懷江遇謝香舟振定

我緣厯落方于役君自

逍遙定息機話別恁恁分手去伊婁渡口夕陽微

阪渚揚帆出竹西疎楊三十六湖隄川蒲成束高於屋

賣鴨論雙賤似泥甕社畫橋誇米芾蕩塘戰壘說劉猺

人家但祝陂無壞吹火籬根傍釣谿

高郵道中

月落長淮秋水深橋頭呼酒酌淮陰老人墮履屠兒勝

邱嫂殘羹漂母心一飯王孫猶報德無雙國士豈成禽

弓藏鐘室曾何悔學道謙謙是美箴

孔道聯鑣問野廬逢人星火促輕輿紀綱將作添新僕

點檢行勝付蹇驢小艇怯風經晚渡荒雞叫月出寒墟

男兒莫負好身手安問司空城旦書

發王
家營

西風落日馬陵山

在宿遷縣

憑弔重瞳未可攀淮上鳥飛空

楚塞碭山雲起失秦關傷心垓下擎旗出輸局彭城衣

繡還蓋世雄才時不利漫教杜默為摧顏

下相
懷古

制府籌河號令嚴羣僚趨事仰彤幃種松堂下松陰古

放鶴亭邊鶴蓋添水道分疏人記里金錢珍重土論秋

羽衣欲訪坡仙跡郭外山廬已半淹

至徐
郡

聞道吾鄉老鄭虔
河干作吏慣身先
畏途都勸公無渡
行役何知我獨賢
豈向彌年徵以鬼
真同梅福去如仙

故人忽聽山陽笛
思舊情深感逝川

弔陳睢
宰朝汲

羣峰合沓氣蒼茫
古迹休談李與張

謂李光弼
張建封

九郡纔

為天下宰三秦已定漢中王
臺頭樹映秋山紫
樓外波含野口黃
一出彭門風獵獵
沿隄屋角挂浮航

沛豐河北碭河南
地脈推遷舊所諳
望氣妻能識劉季

負恩兄解罵朱三人
經水溢移高阜山
為晴多帶晚嵐

今日治渠揮萬畝
不須發卒選丁男

碭山

河沙壅處并隄高
十萬車徒聽鼓鼙
封記準繩齊受植

標題旗志各分曹偶依馬磨為行館日與雞翹共屬橐
但苦度支常不給何人更惜役夫勞

父老為言七月雷狂風驟雨兩隄開怒濤已訝侵床脚
息壤旋驚塞水隈微禹其魚聊自幸以鄰為壑亦堪哀
我聞因憶徐邴下多少流庸襁負來

野館寒燈雨意賒披衣早出望晴霞岸如螻蟻封成垤
窟類螭螭捷作家好以胼胝爭食力莫因黔皙便興嗟
我來亦與傭奴伍日費餐錢走棧車

日在泥塗伴馬軍故人書到尚論文

得玉鐵夫書

棄牛且說

皮多兕獲狗誰知缶有贄我笑伶元思擁髻君偕衛鑠

樂書裙

答書中問

涼天幾度茸城月
兩地閑忙已自分

神交鄉國訂詩緘
頗喜吟杯客裏銜
半榻寒氈親短檠

一官塵土事長饒
詒書北雁霜生鬢
掩袂西風線滿衫

我亦家山頻入夢
明年相待理歸帆

周雲臺以書告歸詩以留之

筍輿小住問徭差
畫井分疆共此懷
百里穿渠資畚畚

兩隄塞決賦薪艱
中州甲士橫磨劍
南國香車墮舞釵

大役本為民捍患
咸登衽席費安排

赴山東河工途中作

河濱菱舍謁中丞

謂康茂園先生

水土宣勞秩又增
故道可通

看楫楫橫流當障
聽登登天心仁愛
民為重

帝曰疇咨汝善承
小吏面陳行所見
曉從壑谷斫堅冰

渠成有日屬長筵行李蕭蕭出遠郊
冰下寒魚空在罾
夕陽歸鳥尚無巢
運斤藏璞疑脩月
越俎治樽笑代庖
湏為巨川宏利濟
芥舟只可泛堂坳

次韻武蘭圃明府

廷選

見贈之作

居官慕歸田
解任書乞米
本苦鳥在笱
忽若魚失水
嗟予逢素心
相違僅尺只
契以苔同岑
芳延蘭竟體
君宦十數年
再仕今再已
愁吟蓼莪篇

蘭圃方
丁母憂

困類蓬蒿士

不以貧為憂
乃於詩獨喜
贈我二百言
可歌亦可涕
我才真駑駘
安足致千里
譬彼汎孤舟
中流失涯涘
豈謀復歸衛
翻笑大去紀
何如句推敲
那計身泰否
有時燃

髡吟抑或倚馬娛年齊高達夫識比吳季子蘭圃以五
十好吟贈
人諸篇皆
具精鑒三復得良規不敢怨夫已誰憐折腰人原是
無懷氏

陶山詩錄卷三